

DISSERTATIO INAUGURALIS MEDICA,
DE
MORBIS EX VERMIBUS,

Q V A M
AUSPICE DEO PROPITIO
Et Consensu atque Auctoritate Gratiſſæ Facultatis Medicæ,
IN ALMA REGIA FRIDERICIANA,
P R Æ S I D E
D. MICHAELE ALBERTI,
POTENTISSIMI REGIS BORUSSIÆ CONSILIARIO AULICO,
MEDICINÆ ET PHILOSOPHIÆ NATURALIS PROFESSORE PUBLICO ORDINARIO
FACULTATIS MEDICÆ DECANO SPECTATISSIMO,

Domino Patrono, Præceptore ac Promotore suo omni honoris cultu prosequendo,

P R O L I C E N T I A

HORIS LOCOQUE CONSVETIS,

ANNO MDCCXXV. D. JANUAR.

PUBLICAE AC PLACIDAE ERUDITORUM VENTILATIONI SUBJICIET,

AUCTOR ET RESPONDENS

DAVID SIGISMUND WEIST,

PRACTICUS WIGANDSTHALIENSIS.



HALÆ MAGDEBURGICÆ,
Typis IOANNIS CHRISTIANI HENDELII, Acad. Typogr.



Uia sub Principio Pra-
xeos meæ , nonnullos
ægrotos DEO adfistente,
Epilepsia & aliis fonticis
morbis oppressos curavi,
qui affectus à Vermibus
ortum traxerunt, ita in hac mea inau-
gurali Dissertatione, de iis etiam Morbo-
sis afflictionibus constitui agere, quæ ori-
untur ex Vermibus. Non animus qui-
dem mihi est, ut negare vellem, quod ta-
les Morbi, quorum causam hoc loco in
Vermibus quæsiui, etiam non aliam alibi
causam, alio videlicet tempore & in aliis
subjectis & casibus pro fundamento habe-
re possint: sed tantum brevibus demon-
strabo, quod Vermes etiam omnium ho-
rum

rum Morborum, quos hoc loco enarrabo, causa possint esse. Adfistat vero mihi in commendanda hac utili observatione divina benignitas, ut omnes mei conatus benè & prosperè succedant, eo-que ipso gloria altissimi & artis medicæ commodum atque certitudo quadantenus promoveatur.

§. I.

ANtequam Morbos illos enarro, qui a Vermibus oriuntur, ante omnia ostendere volo, quot genera Vermium dentur, Experientissimi & doctissimi Viri multa illorum demonstrant, qui insolitis aculeatis, interdum plane magnis & monstrosis figuris occurrunt & qui admiratione dignos & atrocissimos affectus causari solent, nec non aliquando, licet rarius Vermes Cornuti scilicet, hirsuti, quadrupedes, multipedes, bicipites, tricipites, cauda bifurcata præditi ejiciuntur. Sed omnia hæc genera, non nisi nomine allegare volui; illos adhuc addo vermes, quos nonnulli Auctores in sanguine humano statuunt, & propter hanc opinionem, multa alia genera Vermium supponunt.

§. II.

Satis commode vero, in tres classes possunt dividi. Ad primam pertinent itaque *Teretes longi*, qui

qui ob similitudinem , quam cum lumbricis terrestribus habent *lumbrici* vocantur, Spuhl- Würmer. Ad secundam pertinent *lati* & I. solitarii sese volutant , ad quorum classem *cucurbitini* semini cucurbitæ similes referuntur , vel catenatim subinde cohærent , & e latitudine sua in longitudinem plurium ulnarum diducuntur. Ad tertiam pertinent Teretes breves , qui Ascarides vocantur , & vermiculis casei similes sunt , qui saltum facere solent , sed talis motus in hisce Ascaridibus non ita deprehenditur , licet denominationem inde , nempe ab ἀσκήω moveo , accepisse videantur.

§. III.

Quod Generationem Vermium attinet , Auctores nondum conveniunt , nonnulli dicunt , quod a putredine quadam , in corpore humano , præcipue in primis viis contingente , originem ducant , eo modo , quo e. g. generentur animalcula in caseis , carne putrescente. Alii dicunt in aëre existere seminium insectorum , & quia in aere versaremur , communicaretur nobis hoc seminium , sed hanc sententiam premunt multæ difficultates , primo , quia Vermes non conveniunt cum insectis illis , quoad figuram , secundo insecta utuntur libera aura & non possunt in locis occlusis facile vivere , Vermes contra , possunt vivere in locis occlusis , & non in libera aura. Nonnulli etiam dicunt , Vermes transmitti ex uno corpore in alterum , sc. per nutricum , salivam , quando nutrix infecta esset

Vermibus, esse sc. in saliva, & in dentibus impuris & in ore labe adfecto semen Vermium, hoc semen vero communicari infantibus per masticationem ciborum. Et huic sententiæ ex parte subscribo: vid. Patholog. D. D. Præsidis.

§. IV.

Causæ externæ possunt esse cibi crudi, mucidi, dyspepti, lacticinia, saccharata, quando a nutrice lactantur, & illis hoc tempore caro obtruditur, si novum capiunt cibum, quando primus nondum concoctus est.

§. V.

Vermes communes sunt ætati infantili, Adolescentiæ, juvenili, virili, neque erravero, quando dico, quod etiam embryoni quidam Vermes in massam sanguineam communicentur: Adulti & senes etiam non excluduntur a verminosa iniquatione. Frequentiores etiam sunt vermes sexui sequiori, quam Masculino, quia sexus sequior magis de lymphatico chyloso humore participat.

§. VI.

Ratione locorum, ordinarium domicilium Vermium intestina tenuia & crassa; nec non ipse ventriculus, præf. lumbricorum sunt; e ventriculo ægre etiam ejiciuntur, causantur etiam in illo multa periculosiora symptomata. Præter Vermes intestinales, sunt & alii multas corporis partes occupantes, uti Vermes dentales, gingivales, renales, pulmonarii, cardiaci, sanguinari, urinarii, cutanei, umbi-

umbilicales. Vermes in Hepate , in saliva &c. sed hi omnes, non nisi in statu morbido inveniuntur. Cucurbiti habitant in universo intestino-
rum systemate, hinc causantur graviora symptoma-
ta, quam lumbrici. Communes sunt ætati adultio-
ri & senili. Ascarides contenti sunt in intestino
recto.

§. VII.

Signa Vermium sunt sequentia, de variis abdo-
minis pathematibus circa umbilicum spasticis con-
queruntur, variaque Tormina Tenesmoidea expe-
riuntur afflicti homines, præcipue jejuni existen-
tes: porro nauseosis quasi vomibundis conamini-
bus vexantur, sub quibus multus ac copiosus limpi-
dus liquor ex œsophago ascendit & in os confluit,
quem exspuere coguntur, quod symptoma præcise
urget maxime illo tempore, quo ægri alias jenta-
culum aut prandium capere sueverant, nunc au-
tem aliquando cibum capere protrahunt, quo as-
sumto, statim dicta pathemata remittunt atque se-
dantur. Ab ingratis cibis aut medicamentis acidis
vel amaris vermes irritantur & tormina abdominis
augentur, assumtis gratis dulcibus præf. lacticiniis
mox iterum placantur & sistuntur. Aliquando ad-
est magna voracitas, ut satiari quasi nequeant ci-
bis, a quibus tamen corpus incrementum capere
non solet, præprimis vero cibos frigidos, panem
siccum, aliave avide petunt, calidos vero cibos re-
spuunt: junctus est his faciei pallor quasi perpetu-
us,

us, qui tamen aliquando minus statis temporibus, sed vage mutatur in genarum ruborem, ita tamen, ut una saltem præ altera gena rubeat, altera vero palleat, cum variatione genarum reciproca.

§. VIII.

Infantes etiam ordinarie quasi & perpetuo nares fricant, aut aliquid quasi molestum e naribus detrahare conantur, in albumine & concavitate universo oculorum livescentia observatur. Inquiete & cum pavoribus dormiunt, quando vigiliant, clamant, & plorant semper, & quia fari nequeunt, indicare digito quasi volunt dolores suos, dum contrectant sæpe corpus suum, sub somno sæpissime dentibus strident, ut plurimum ventres duros actumendes habent, aliquando etiam magna præfente Vermium copia inæqualitas ventris globosa concurrit, quasi globuli vermium in intestinis adsint. Aliquando vero retractio umbilici & abdominis circa illum concurrit. Alvus modo obstructa modo laxa est. Adest fiticulositas, præcipue sub jejuniis, imo subinde tempore nocturno.

§. IX.

Progredior jam ad singularia symptomata morbosa aut affectus morbosos cum vermibus, coherentes; tales affectus qui oriuntur a vermibus sunt sequentes; primo multi affectus vertiginosi, atrophia cum inflatione abdominis vid. act. Med. Berol. quo affectu, puella anno decimo liberata

rata est, cum merc. dulc. gr. IV. & Res. jalapp. infantibus qui Atrophia laborabant a Vermibus in praxi mea liberati; Contigit ante aliquod tempus ut Medicus quidam, & post hunc tonsor in oppido quodam puellæ Atrophia laborantis curam tractaverint, quamvis minus sperato successu, quia curam non dirigebant ad Vermes, donec ego accersitus centum Vermes e corpore ejiciebam; porro a vermibus oriuntur affectus soporosi. vid. Act. Med. Berol. ipse ego similes patientes curavi; a Vermibus præterea proveniunt motus convulsivi, Epilepsia: prima ægrota in praxi mea erat puella annis decem, quæ indies laborabat tricies Epilepsia, quæ horribilibus actionibus exercitabatur, cursitabat per pagum delirans, clamabat, circumjiciebatur, cum vero centum Vermes ab eadem evacuaverim, restituta fuit & bene adhuc valet ad *hunc usque diem*: proinde a vermibus dependent particulares convulsiones v. g. quæ nullam partem occupant, quam solam faciem, labia, oculos, nasum. vid. Act. Berol. Med. Vermes porro causantur non solum febres acutas, malignas, inflammatorias, sed & intermittentes, quas etiam quoque augent. Chorea S. viti ortum etiam trahit a Vermibus. vid. Act. Med. Berol. Tussis periodico spasmodica cum copiosa materiæ mucidæ excretionem, quam cum valde laboriosa esset, communiter vomibunda ventriculi averfio comitabatur, oritur ex Vermibus vid. Act. Berol. febres continuæ cum deliriis & singultu curatæ sunt per clysteres & Mercurium dulc. cum jalapp.

Ex Vermibus oriuntur Diarrhœæ tam simplices, quam biliosæ, imo plane sanguineæ dejectiones, porro appetitus vagus, nausea, passiones colico-hypochondriacæ, passiones hysteriæ, febres tertianæ, febres cum maculis, maculæ sine febre. vid. Directorium Moroni sub Titulo verm. & febr. Deliria, Erasmus Epist. in laudem Medicinæ exemplum cujusdam pueri, qui in delirio a Vermibus linguam germanicam, ab illo nunquam auditam, locutus fuit, allegat. Ictericæ cutis deturpationes, insolitæ plane motitationes, vomitus cruentus, in scorbuto major foetor oris, maculæ. Obstructio alvi, soda, flatulentia, procidentia ani, palpitatio cordis, affectus arthritici, mania, melancholia a lumbricis vomitus, cardialgia, syncope, singultus, vocis privatio, tormina intestinorum, capitis dolor, sopor gravis, Deliria, mœror, tristitia, febres, angina, pleuritis, aliaque symptomata. vid. Sennert. Latos lumbricos qui habent, appetentia cibi nimia laborant, ac nisi cibus offeratur, dolor & morsus in ventre percipitur &c. certissimum signum est, quod cum alvi excrementis corpuscula quædam cucurbitæ seminibus similia excernantur. vid. Ettmüll. signum Pathognomonicum Ascaridum, est pruritus in Ano vix tolerabilis; ægrotantes etiam frequentissime tenesmum habent.

§. XI.

Quod Hemiplexia, Apoplexia, paralyfis linguæ, Delirium ridiculosum, Epilepsia, & convulsiones

nes particulares, obstructions lochiorum est Mensium a vermibus oriantur, id exemplo quodam ex propria praxi mea demonstrare possum: Erat sartoris uxor in nostro oppido, 23. annorum, quæ ante quadrantem anni terminum peperit secunda vice, semper ante partum, post partum & in partu, laborabat Epilepsia, quæ tamen iterum sponte cessabat, quando non gravida erat, laborabat etiam obstructione Mensium, in puerperio, obstructione lochiorum cum atrocissimis passionibus colico-hystericis, intentio mea ad promotionem lochiorum directæ erat, sed frustra propinabantur Medicamenta, post notabilem temporis moram cadebat in terram & laborabat symptomatibus soporosis, cum autem iterum animus illi rediret, laborabant lingua, Brachium dextrum, latus & pes paralyfi, & ne unicum verbum proferre poterat; interim per bona nervina tam interna quam externa curabatur paralyfis, sed sequebantur pedetentim atrocissimæ convulsiones, tam universales, quam particulares; hinc instar globi movebatur in lecto, ridebat semper in paroxysmo, delirabat & dicebat, se debere capere pisces, pretiosa & famigerata specifica antepileptica nihil juvaminis attulerunt, tandem dirigebam curam meam ad vermes, & postquam ejecti erant ducenti majores & centum minores, optime sese nunc habet.

§. XII.

Quod Ætiologiam hætenus commemoratorum Morborum attinet, tunc in aliquibus horum

peculiares directiones & scopi occurrunt, alii nudis passivis nituntur læsionibus; Activi ita dicti complectuntur Motus excessivos extraordinarios, quos peragit natura ea de causa, ut velit per eos hoc e corpore ejicere, quod peregrinum & nocivum est: hinc oriuntur omnes convulsiones, febres, passionnes colico-hypochondriacæ, passionnes hystericae & sic porro. Melancholia, Mania, Phantasia corrupta, & omnia deliria ortum suum habent, quando anima vel natura in suo corpore materiam peregrinam, quæ corpori interitum minatur, percipit, & desperat, quod hanc materiam e corpore eliminare poterit, hinc perturbata, consternata & perterrita est, nescia, quo suos motus debeat dirigere. Motus vero aliquando etiam deficiunt, quando natura materiam peregrinam e corpore non ejicere potest, sed materia noxia dominium accepit, vel, si natura non enititur, ex falsa opinione, quamvis hoc posset facere, retrahit motus suos, & relinquit corpus suum corruptioni, quemadmodum illud videre licet in omnibus affectibus soporosis, Apoplexia, Hemiplexia, syncope, lipothymia. Morbi passivi sunt, quando naturam oportet pati, quod in corpore contingit, & quod corrigere non potest. e. g. Atrophiam tollere non potest, quia vermes succum nutricium devorant, ut non possit ille distribui in corpus, & quamvis natura appetitum vagum excitet, & novum nutrimentum elaboraret, tamen præcavere non potest, quin vermes Tragœdiam suam de novo luderent.

§. XIII.

Quod ad prognosin pertinet mentio illius quadantenus jamjam facta est in præcedentibus, ubi signa & symptomata vermium allegata sunt, ut haud necesse existimaverim, repetere, quod dictum est: unicum mihi occurrit, quando vermes habitaculum suum sponte deserunt, malum ut plurimum omen esse, in febribus acutis: id etiam ex propria praxi observavi, quando patientes nullos cibos assumerunt, quod coacti fuerint vermes propter inopiam ciborum diversorium suum deserere, & æger iterum ex Morbo acuto interdum convaluerit; & seorsim notandum est, nullum tam peregrinum sit symptoma, tamque deleterium, quod vermes excitare non possint. Horrenda quidem symptomata quandoque a vermibus exoriuntur, ut non raro ex incantatione producta vulgo credantur, sed periti Medici multa adstantium admiratione cacodæmoni non raro ejiciunt.

§. XIV.

Quod tandem curam attinet, tunc illa consistit in eo 1) ut vermes enecentur 2) ut enecati educantur, nam causa ablata, scilicet vermibus expulsi, tollitur ut plurimum effectus, scilicet omnes hætenus relati morbi. In hoc affectu hætenus cura mea simplex fuit, sed spero sufficiens. Dedi infantibus vermibus laborantibus portionem quandam seminis fantonici pulveris. vesperi in melle vel lacte vel saccharo proportionatam secundum ætatem; matutino tempore utebar eadem me-

thodo!, duabus horis elapsis ordinabam pulverem ex|mercurio dulc. Dyagrid. & jalapp. cum quodam absorbente in jusculo secundum ætatem. Ægrotos dehortabar vesperi & mane a cibis & potu, ne vermes saturentur a cibis. Præsertim hoc observandum est, quod decresciente luna vermes sint profligandi. Infantibus quibus sem. Cinæ non potui adhibere, dedi pulv. ex merc. dulc. reiteratis vicibus per septimanam: aliis ordinavi sequentem pulverem Rec. sem. sant. corallin. ana ℥ij C. C. sn. ign. ℥j merc. dulc. scrup. i. D. S. vesperi & mane in melle scrup. i. pro dos. Pil. Stahl. & Becher. per experientiam anthelminticæ sunt.

Authores practici studiose monent in omnibus affectibus infantum curandis, imprimis in obstructionibus semper ad lumbricos esse attendendum. In genere amara fere omnia sunt vermifuga, præf. pulv. cort. aur. deinde mercurialia, Æthiops mineral. merc. dulc. Muscus corall. Sem. santon. in vino clareto est anthelminticum insigne.

Ad enecandos lumbricos certissimum experimentum est sequens: Recip. merc. vivi unc. i. coq. in Aq. simplici (vel quod melius est in decocto aven. aut cerevis. secund. libr. ℥.) probe agitetur, invicem in lagenâ vitrea post subsidentiam mercurii decantetur liquor & detur infantibus pro potu ordinario. vel Recip. merc. vivi ℥j infunde per noctem in Aq. galegæ unc. ij decantetur liquor & propinetur mane.

Externe pulv. colocynthid. c. felle bovin. subact. cum gtt. aliquot cl. absinth. circa umbilicum pellit

pellit lumbricos : quod posterius medicamen tamen caute adhibendum est.

§. XV.

Ad latos lumbricos educendos provocari debet mitior vomitus & proximo die clyster. Scordium instar Thee, nec non chaccarilla. Quando ut plurimum homines ex improvise & sine ulla causa manifesta, & signis alios morbos comitantibus, in eximium vitæ discrimen incidunt, veluti in affectum apoplectoideum c. extremorum obrigescentia & frigore, pulsu debilissimo (qui fere sæpe signum est Vermium latentium) uti & singultus, aphonia, quandoque improvise mania, tunc de Vermibus dubitandum non est; in tali casu nil potentius est, quam statim dare c. brodio gr. VI. mercur. dulc. & gr. V. scam. sulph. in adultis. In pueris vero minuatur dos, vel potius detur merc. crud. ad magnitudinem pisi cum brodio, nam erit admirabile.

Ascarides sunt quidem gens pusilla, sed expugnatio difficillima; namque licet omnes ad unam enematis vi exterminarentur; nova tamen & numerosa proles ab ovulis residuis mox renascitur: ideoque non tanta erit difficultas parentes solos proscribere; nisi insuper & proles & semina etiam ipsa penitus ejiciantur. Hoc optime fiet, si postquam ascarides jam disparuerint, non statim a remediis desistamus, sed per iteratas vices, ac inde semel in hebdomade hujusmodi exturbantia enemata repetamus. Ideo minime dubitandum est

est

est enema amarum singulis noviluniis injectum, & per aliquot menses repetitum, ascarides interempturum, exterminaturum & funditus deleturum esse.

Ad ascarides necandos enemata cum colocynthid. incocta & tantillo mercurii conducunt; profunt huc etiam suppositoria ex amaris & mitius stimulantibus parata.

Crinones seu comedones sunt vermiculi subcutanei infantes ad atrophiam disponentes, de quibus mihi haud ex proposito sermo fuit hac tractatione; occupant hi plerumque loca subcutanea, imprimis dorsi, scapularum, humeri, crurum ac surarum pruritum molestum excitant, indeque inquietos & vigiles reddunt infantes, tandemque in tabem abducunt; hi optime cum lotione mercuriali sunt necandi.

Proposito meo satisfecisse spero, quoniam brevissimam tantum delineationem hujus thematis proponere & modulum virium mearum exercere volui: Ante omnia vero Deo ter optimo maximo humillimas gratias ago, pro praestito suo auxilio, in exponenda hac practica observatione cui etiam hunc laborem confecro & devote precor, quod eundem constanti sua benedictione ita adjuvare velit, ut ipsius gloria, & proximi salubritas promoveatur.

